

觀自在菩薩母陀羅尼經

宋三藏法師法賢奉詔譯

如是我聞一時佛在廣嚴城與大比丘衆舍利子等五百人俱復有慈氏等大菩薩衆恭敬圍遶數座而坐爾時會中有一菩薩名曰普賢從座而起詣世尊前偏袒右肩右膝著地合掌向佛白言世尊有觀自在菩薩母陀羅尼大明章句乃是過去現在未來諸佛世尊隨喜宣說我佛世尊爲菩薩時爲求正等正覺利益衆生故亦曾宣說此陀羅尼又復源二此陀羅尼與求菩薩善男子善女人爲父爲母亦如孤獨而得依怙無主宰者當得主宰彼陀羅尼若人得已讀誦受持者一切罪業悉得消滅一切行願皆得圓滿乃至修諸大明亦獲成就佛告普賢菩薩言誠如汝說我

念往昔爲菩薩時爲求正等正覺度如鶻鴒沙數無量無邊世界彼有佛土名蘇珂嚩帝彼土有佛號無量壽如來應供正等正覺是無量壽佛於今見在常說妙法利益衆生我於彼會爲婆羅門名自在光我時已得證發光地於彼會中已曾宣說此觀自在菩薩母陀羅尼當與百千那由他無量無邊衆生作大利益時在會中一切大衆聞是陀羅尼已有罪業者皆悉消滅未得宿命智者獲宿命智爾時世尊復告普賢菩薩言汝爲利益當來末法五濁惡世百千俱胝無量無邊造無間業罪惡衆生得罪消滅令孤獨者有依怙故欲隨喜宣說觀自在菩薩母陀羅尼善哉善哉汝可宣說普賢菩薩蒙佛許已即說觀自在菩薩母陀羅尼曰

那謨引婆誡縛帝阿彌多引婆引野一怛他

引誡多引野二阿囉曷合二帝三藐三沒馱引

野三曩謨阿引哩野二合縛路吉帝說囉引

野四冒地薩埵引野引摩賀引薩埵野五引摩

賀引迦引嚕尼迦引野六帝毗喻合二曩莫塞

訖哩合二埵七伊捨身切阿引哩野二合縛路吉

帝說囉摩旦八引摩賀引陀囉尼滿怛囉合二鉢

那引你九三鉢囉合二縛又也合二彌伊彌引尾

鉢身切三蜜哩合二殿覩十怛他引一伊彌二

彌餘三引十唧餘四引十彌餘五引十崑多羅六崑

多餘七引十尸哩八引十尸哩九引十藕哩十誡

埵引哩二十摩登儼二十補葛西三十葛吒

引野二十摩賀引尾鉢二十昏怛摩引餘額

二十唧餘七二十額唧餘十八虔四也十九二

搔藐捺哩捨你引三捺哩伽合二摩引曩摩引

你三十阿引哩野二合諾叱拏普吟三仁際切

薩哩縛合二尾鉢引難引鉢囉合二尾設也合二彌

三十薩哩縛合二鉢引你引彌引說哩莎引賀

十四引三

爾時普賢菩薩說是陀羅尼已白佛言世尊

若復有人至心受持所有罪業悉皆消滅於

一切怖畏時常得擁護若有行人欲求見我

及諸成就者當加精進心不間斷一日三時

專注持誦至滿七日我愍是人為現本身又

復行人如是專注心不間斷默念一月當得

觀自在菩薩出現本身施所求願乃至得見

無量壽佛多聞增長證宿命智所生之處不

離佛法具大富貴乃至獲得不退轉地佛說

是經已普賢菩薩摩訶薩及諸菩薩聲聞等

一切會眾聞佛所說皆大歡喜信受奉行

觀自在菩薩母陀羅尼經